

究竟即之位敬白

延久二年十月日 左少弁大江朝臣匡房

*[Faint bleed-through text from the reverse side of the page]*

賀茂社櫻會緣起

掃部頭佐國

朝家鎮守皇大明神天降坐以還年紀久累不知幾百廻矣上自一人三公下至百僚衆庶戴其神德保此景福然則萬乘之幸臨經代々以儀式彌嚴博陸之參詣逐年々以祇敬無懈乃至都鄙貴賤道俗男女莫不欽仰矣是以前神主賀茂縣主成助相迎三春之令節開演八軸之法華隨喜之輩號之櫻會其期無定期在二月三月之芳辰其日無定日待紅櫻朱櫻之盛綻薰修黎及于數十年彼身々矣其人雖令期會長留縁為佛事也殊勝神壇之嚴饒也於是

近年以後聞及于廣前件經卷二十八品后宮公主  
卿大夫各分一品迎八相管若自書若教人書課其  
丁寧不能子細夫十方佛土中無二亦無三開悟入  
佛之知見其唯一乘也便囑能說之名德敬展供養  
之齊會今我等殖何德本以何因緣聞難聞之妙文  
值難值之大會豈非教主釋迦之大恩鎮守神力之  
權化乎感激之至落淚潛然願以法喜神悅之未先  
獻皇大神遂令極無上之妙果願以不老不死之句  
更獻明天子永奉護象外之遐年允厥是經加一字  
之點畫令會致刹那之聽問若男若女或道或俗生  
生世々在々處々遇善知識之緣到證菩薩之業于  
時永保三年二月廿五日守宮令大江佐國依神主  
賀茂成經之命不願愚慧執筆記之伏願皇大神垂  
冥應耳